



Vita de ploania y de paisc

- **Festa por seniors:** desco vign'ann organiseia la Joneza na festa dai seniors, eniann **en domegna ai 13 de iener**, por d'uc chi co é nasci'us dan l'ann 1953. Ales 14:00 sarál na santa messa te dlijia y dedô s'aspetarál n'aorela cörta te Ciasa dles Uniuns con teatri dai scolari dla elementara y de vigne sort de mangiaries duces y boandes cialdes.
- **Iscriziuns ala scolina:** al ven lascé alessei che les iscriziuns por l'ann 2019/20 ven fates te scolina da La Pli le **lönesc ai 14 de iener dales 14:00 ales 15:00 y le dedolönesc ai 15 de iener dales 14:00 - 15:00**. Al pó gní scrit ete mituns y mitans nasci'us y nasci'udes dal 01.09.2013 cina ai 28.02.2017.



enformaziuns y termins

Sant'Antone sön Antermeia, en jöbia ai 17 de iener: ales 09:00 corona, ales 09:30 santa messa solena en onú de Sant'Antone; do messa val de cialt o da bere sön plaza y poscibilité de marné tal salf dles manifestaziuns. Ales 14:00 batadú de Sant'Antone tal salf dles manifestaziuns. Al ne gnará nia ma carté mo al sará ince la poscibilité da davagné de bi pesc con na ola dla fortüna y con atri jüc. D'uc é der bel enviés a to pert. Le davagn dla manifestaziun jará a ben dla dlijia d'Antermeia.

Conzert NON SOLO TANGO con Angela Palfrader (vidora) y Raffaella Zagni (clavier), en lönesc ai 14 de iener ales 20:30 tal salf dla Scora de Musiga a Al Plan. D'uc é der bel enviés!

**Dio si è fatto uomo:
in Gesù è venuto a condividere la nostra vita.
Manteniamo viva questa relazione
con Lui e tra di noi.**

Papa Francesco, 06.01.2019

Döt le bun a:	Agnese Comploj Kofler, <i>Marling</i>	* 13.01.1930
	Albert Daverda, <i>Lungiarü</i>	* 13.01.1936
	Eleonora Maria Ellecosta di Liberto, <i>Balsan</i>	* 14.01.1939
	Rita Erlacher Tomasi, <i>Türesc</i>	* 16.01.1939
	Agnese Taibon ved. Erlacher	* 17.01.1922
	Maria Teresa Pedevilla Ellemunter	* 18.01.1932
	Sr. Edith, Anna Erlacher, <i>Balsan</i>	* 19.01.1922
	y a d'uc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania

La Pli de Mareo

Santa Maria dal Bun Consei

Ploian: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann C

13.01.2019 - FESTA DAL BATO DE GEJÚ

n. 7

Jan á dit: Al nen ven önn co é plü gaiert co iu. Al ves baciará con le Spirit Sant y con fű. Alleluia!

☞ **Is 40, 1–5.9–11 | Titus 2, 11–14; 3, 4–7 | Lc 3, 15–16,21–22**

Dal Vangelo do San Lűca:

Te chel tomp ¹⁵ea le popul plen d'aspetanza y d'uc ponsá sora tal chit sce Jan n'ea mino forsc enstes le Messia. ¹⁶Mo Jan ti respognea a d'uc: lu ves baceii con ega mo al nen ven önn che é plü gaiert co iu, y iu ne sun nia degn de ti desciolé i cialzá. El ves baciará con Spirit Sant y con fű. ²¹Deboriada con döt le popul s'á ince Gejú lascé bacé. Y dertan ch'al periá, s'á daurí le ci ²²y le Spirit Sant é gnü jö sön el, che ea da odei tla forma de na colomba, y na usc dal ci dijea: Tö es mio Fi bunorü, en té ái ciaté plajei.

Oraziun dal de

*Periun! Pere, onipotent y etern,
dertan le bato tal lórdann él gnü jö le
Spirit Sant sön nosc Signur Gejú Crist
che te nes as revelé desco to Fi
bunorü: konzédesse ince a nos, ch'i
sun renasci'us dal'ega y dal Spirit
Sant, da podei ester dagnora de to
plajei y de vire desco tū fis dla
pleneza de cösc Spirit.
Por nosc Signur Gejú Crist, to Fi, co é
Dio y vir y regneia con te tl'unité dal
Spirit Sant por d'uc i secui dai secui. –
Amen.*

(Lezionar C)



Taufe: Gabe und Gnade

Gabe, denen verliehen, die nichts mitbringen.
Gnade, denen gespendet, die schuldig sind.

☞ **Letöres dla 2. domegna ia por l'ann:**
Is 62, 1–5 | 1 Cor 12, 4–11 | Jan 2, 1–11

Edema liturgica dai 13.01. ai 20.01.2019

DOM 13.	FESTA DAL BATO DE GEJÚ <i>Hilarius, Remigio, Gottfried</i>
08:30	gran messa por dōta la ploania <i>oferta por i debojūgn dla ploania</i>
→ 14:00 10 y 18	s.m. por i seniors, <i>dedò encuntada te Ciasa dles Uniuns</i> <i>s.m. a Al Plan</i>
Lön 14. 07:30	al met man le tomp ia por l'ann <i>Felix da Nola, Rainer</i> <i>s.m. a Al Plan</i>
Ded 15. 07:30	<i>Romedius da Thaur, Arnold Jansen, Maurus</i> s.m. d'aniversar por † Josef Kosta, Framacia s.m. d'aniversar por † Lois Erlacher, Tomele
Dem 16. 18:00	<i>Teobald, Marzelin, Ulrich</i> <i>s.m. a Al Plan</i>
Jöb 17. 19:30	<i>Antone abat (dai tiers), Beatrix, Iulian</i> s.m. d'aniversar por † Frieda Ritsch, Tomele da Rara s.m. en onú de Sant'Antone abat
Ven 18. 07:10	al met man l'edema d'oraziun por l'unité dai cristians (18. - 25.1.) <i>Regina, Prisca</i> <i>s.m. a Al Plan</i>
Sab 19. 18:00 19:30	<i>Sabeda de Santa Maria Marius y 3 compagns, Heinrich</i> <i>s.m. prefestia a Al Plan</i> s.m. prefestia d'aniversar por † signor Matio Rigo, Matlogn s.m. por †† Willeit, Laronz s.m. por †† Germano y Maria Frontull, Mareo
DOM 20.	2. domegna ia por l'ann domegna dla Bibia <i>Fabian, Bostian, Elisabeta, Ursula</i>
08:30 10 y 18	gran messa por dōta la ploania <i>oferta por i debojūgn dla ploania</i> <i>s.m. a Al Plan</i>
ampola:	por chi d'André
ministronc:	► da doman y domegna: Samuel y Maria Erhard ► da sera y domegna: Johanna Konrater y Carolin Willeit
i recordun:	Lois Erlacher + 14.01.2013 Josef Kosta + 15.01.2017 Frieda Ritsch + 16.01.2011 Signor Matio Rigo + 18.01.2009



Daürete, ci ... al é Gejú (Lc 3, 15–16,21–22)

I ponsi do

Gejú n'ess nia deboügn da se lascé bacé: al n'á nia picés da se fá pordené. So segn de umilté é porchel na ocasiun ezezionala por ti lascé alessei a d'üc che el le Fi bunorü dal Pere. Dio á la medema ligreza ince con vignönn de nos sc'i viun desco Gejú, desco sü fis, desco de der fredesc: cōsta é l'emportanza, la forza y la responsabilité co nes é gnüdes dades con le Bato che nos d'üc án ciáfé.

I preii ensciö

Le ci se daür por che la tera capesci ci gran ghest ch'ara á tut sö. Le ci se daür por che ince nostes oredles se daüri y aldi la Parora dal unico Pere de vigne porsona. Le ci se daür por che al vegni jö sön nos chel Spirit de verité co fej fora de nos d'üc fredesc dal unico fi Gejú. Daür nosc cör y nosta mont, Signur, por ch'i te tolunse sö y ti lasciunse lerch, adöm con te, a dōtes les porsones ch'i encontun sön le tru de nosta vita. I orun dagnora te laldé y te rengrazié por cōsta gran scincunda: te s'as fat tū fis, deache te s'as lié a te en chel de che l'ega dal Bato á fat fora de nos fis, amisc y ierpadús de to amur.

Walter Cazzaniga, Parola amica – Il Vangelo della domenica per ragazzi



Iu sun bacé, chel ô dí:

- I sun cherdé a arjunje la derta liberté: nia la liberté da fá ci ch'i ô, mo ch'i sun bun da creie, da speré y da amé. Cōsta liberté nasc dal'amizizia con Gejú Crist.
- Le Bato é le meterman de na vita tla uniun con Gejú Crist y con d'üc chi co crei te el. Ince chel co ti oj le spiné al amur de Dio y ala comunité dai credenc, resta bacé, ciodi che la fedelté de Chelbeldilo val por dagnora. Chelbeldio ne tira nia zoruch so amur.
- La porsona baciada tól pert ala dignité de Gejú Crist, le Gran Preo y ara ti somieia a d'el.

La storia de Noé cuntada ai mituns (1)



Chelbeldio perd la ligreza con la porsona

Chelbeldio â cherié la tera bela demorveia: i ciöf, les plantes y i lens, i tiers t'ega, söla tera y t'aria y ince les porsones. Döt ea garaté der bun, desche el enstes â dit. Mo en de â Chelbeldio ciaré jö sön la tera y â odü che les porsones se stritá, ares s'â le senn y se copâ. Ares ponsâ y fajea ma de mal. De Chelbeldio s'ares daldöt desmoncé.

Cōsc ti fajea gní la rialöna a Chelbeldio. Al ti an roâ ch'ál â cherié la porsona. Al dijea: "Cōsc ne sunse nia plü bun da odei. Les porsones ne dess nia plü vire. I les lasciará morí dōtes." Y deache Chelbeldio n'â nia plü ligreza con la porsona, n'âl gnanca plü ligreza con i tiers. Ensciö orél ince lascé morí d'üc i tiers – söla tera y t'aria. Al ti an roâ ch'ál i â cherié.